

मार्निंग डोगरी न्यूज़ बुलेटिन, सभें. 09-20 Hrs

<><><><><><>

Headlines

- 1 प्रधानमंत्री नरेन्द्र मोदी होर अज्ज भारतीय मौसम विभाग दे 150^{वें} स्थापना दिवस दे सिलसिले च “मिशन मौसम” दी शुरूआत करगन।
- 2 राजौरी जिले च कुसै अनजान बमारी कारण दऊं होर लोकें दी मौत कन्नै मरने आले दी गिनतरी 12 होई गई ऐ। डीसी होरें बडाहल ग्रां दी स्थिति पर नेड़मीं तक्क रखी दी ऐ।
- 3 मक्कर संक्राति दा ध्यार अज्ज मुख्य भरै च परंपारिक, श्रद्धा ते उत्साह कन्नै मनाया जा’रदा ऐ।
- 4 मक्कर संक्राति दे मौके पर श्री माता वैष्णो देवी जी दे दरबार च प्राचीन गुफा गी श्रद्धालुएं लेई खोली दित्ता गेआ ऐ।
- 5 यूजीसी एनईटी दा 15 जनवरी गी होने आला मतेयान अगड़े पाई दित्ता ऐ, नमीं तरीक दा एलान मगरा कीता जाग।

<><><><><><>

PM-Mission Mausam

प्रधानमंत्री नरेन्द्र मोदी होर अज्ज नमीं दिल्ली च भारतीय मौसम विभाग दी स्थपना दे डेढ़ सौ ब’रे पूरे होने दे जश्न दरान “मिशन मौसम”8 दी शुरूआत करगन। इस मिशन दा मकसद मुख्यै गी हर मौसम दी चुनौती कन्नै निबड़ने लेई तैआर बनाना ऐ ते एह्दे लेई मौसम सरबंधी भलेयां अज्जै कल्लै दिएं तकनीकें कन्नै लैस तंत्र कायम कीता जा’रदा ऐ। इस मौके पर प्रधानमंत्री होर भारती मौसम विभाग दे 2047 लेई विजन डाकूमेंट गी बी जारी करगन। एह्दे च मौसम सरबंधी पेशनगोई ते होरने चीजें बारे व्यापक योजना शामिल न।

<><><><><><>

Rajouri Deaths

सरकारी मैडिकल कालेज जम्मू च इक होर न्याणे ते जीएमसी राजौरी च इक बर्जुग दी मौत होई जाने कन्नै राजौरी दे कोटरंका दी बुद्धल तैहसील दे गडाहल ग्रां च कुसा संदिग्ध अनजान बमारी कारण मरने आलें दी गिनतरी 12 पुज्जी गई ऐ। बुद्धल च बने दे हालातें गी दिक्खदे होई डिप्टी कमीशनर राजौरी अभिषेक शर्मा होरें जाति तौर पर स्थिति पर तक्क रखी दी ऐ। एडीसी कोटरंका दिल मीर होरें प्रभावत इलाके दा दौरा

लाया। जिला प्रशासन दे हिदायतें हेठ सेहत विभाग दी टीमां संपर्क च आए दे लोकें दी पड़ताल ते सैंपल किट्ठे करने दे कम्मे च तेजी कन्नै लगी दियां न। कुल 272 सैंपल लेई लैते गे न। ध्यानजोग ऐ जे जरूरी वीजें दी आपूर्ति दी गुणवत्ता दा पता लाने आस्तै पैहले गै इस थाहरे थमां रूट्टी ते पानी दे सैंपल किट्ठे करी लेते गे न। सेहत विभाग दी इक टीम सेहत निदेशक जम्मू डॉ. राकेश मंगोत्रा ते मुख्ख सेहत अधिकारी राजौरी डॉ. मनोहर राणा हुंदी दिक्ख-रिक्ख च कड़ी कोटरंका च गै रुकियै सरबंधत कम्म करा'रदी ऐ। प्रशासन नै कुसा बी आपातकालीन हालात कन्नै निबड़ने आस्तै मोबाइल मैडिकल इकाई दा बी प्रबंध कीते दा ऐ।

<><><><><><>

President

राश्ट्रपति द्रौपदी मुर्मू होरें आखेआ ऐ जे पशुधन यानि मोल मवेशिएं ग्रामीण अर्थबवस्था ते ग्रां दे लोकें दी आमदन च महत्त्वै आली भूमका नभांदा ऐ। उनें राष्ट्रीय डेयरी विकास बोर्ड दी ओडिशा राज्य सहकारी दुध उत्पादक संघ दे केई जतनें दी शुरूआत कीती। राश्ट्रपति मुर्मू होरें आखेआ जे भारत च पशुएं दियां केई सारियां नस्ला न ते उनें मुख्य दी समग्र कृषि विरासत च योगदान दित्ता ऐ। उनें इस गल्ला पर लोह पाई जे सरकार नै जानवरें दे नस्ल विकास ते होरने सरबंधी केई जतन कीते न। राश्ट्रपति होरें आखेआ जे सेहत, दौनें पर ध्यान देने कन्नै खाद्य उत्पादें ते दुध सनें जानवरें थमां हासल होने आले होरने उत्पाद दी गुणवत्ता च सुधार होग।

<><><><><><>

Makkar Sankranti

मक्कर संक्राति दा ध्यार अज्ज मुख्ख दे बक्ख-बक्ख हिस्सें च मनाया जा'रदा ऐ। अज्जै मगरा मौसम च बड़्हा बदलाव ओंदा ऐ ते दिन बड़्हा होना शुरू होई जंदे न। इस ध्यार गी मुख्ख दे बक्ख-बक्ख हिस्सें च बक्ख-बक्ख नाएं कन्नै जानेआ जंदा ऐ। इसी तमिलनाडू च पोंगल, गुजरात च उत्तरायणख असम च भोगाली विहू ते पच्छिम बंगाल च पौष संक्राति दे तौर पर मनाया जंदा ऐ।

<><><><><><>

Vaishno Devi Cave

अज्ज मक्कर संक्राति दे मौके पर श्री माता वैष्णो देवी जी दे दरबार च परानी गुफा गी श्रद्धालुएं लेई खोलेआ गेआ ऐ। अज्ज बडलै दी आरती दे बाद खोली गेदी एह परानी गुफा मेद ऐ जे कोई इक म्हीने तगर खुल्ली दी रौहग जां जिच्चर श्रद्धालुएं दा रश परतियै नेई बधी जंदा। ध्यानजोग ऐ जे हर ब'रे मक्कर संक्राति दे मौके पर इस प्राचीन गुफा गी श्रद्धालुएं लेई खोल्ली दित्ता जंदा ऐ। साल भर श्रद्धालुएं दे गीारी रश कारण एह गुफा बंद गै रची जंदी ऐ ते हर श्रद्धालु गी एह चाह रौहदा ऐ जे उसी पुरानी गुफा चा लंधियै माता दे दरबार च

मत्था टेकने दा मौका थोए। अज्जै कोला कोई 4–5 दहाके पैहले लोक इस्सै गुफा राएं ओंदे जंदे हे ते मगरा बघदे रश गी दिक्खदे होई नमिएं गुफाएं दा निर्माण कीता गेआ हा। श्री माता वैष्णो देवी श्राइन बोर्ड नै हाल च गै प्राचीन गुफा दे ऑनलाइन दर्शनें दी बी सुविधा शुरू कीती ही।

<><><><><><>

Mahakumbh

प्रयागराज च दुनिया दे सब्बने शा बड्डे अध्यात्मिक किठट्ठ यानि महाकुंभ च अज्ज मक्कर संक्राति दे मौके पर अमृत स्नान होआ'रदा ऐ। एहदे लेई कुल 13 अखाड़े न ते हर अखाड़े लेई ओहदा समां ते बारी तैह कीती गेदी ऐ। महानिरचानी पंचैती अखाड़े पर सब्बने शा पैहली पवित्र चलोबी लाई गेई, जिसलै जे खीरली चलोबी त्रिवेणी संगम श्री पंचैती अखड़ा निर्मल च लाई जा करदी ऐ। इस बड्डे आयोजन लेई सुरखा दे निगगर बंदोबस्त कीते गेदे न। कल पौह म्हीने दी पुन्नेया दे मासैके पर 1 करोड़ 50 लक्ख शा मते लोकें त्रिवेणी संगम दे बक्ख-बक्ख घाटें पर पवित्र चलोबी लाई। इस दरान हैलीकाप्टर राएं फुल्ल बी बरसाए गे।

<><><><><><>

NET

कल होने आली यूजीसी एनईटी दिसम्बर 2024 मतेयान गी अगड़ा पाई दित्ता गेआ ऐ। नमीं तरीक दी घोषणा मगरा कीती जाग। राष्ट्रीय परीक्षा अजेंसी दे इक ब्यानै च आखेआ ऐ जे 15 जनवरी गी पोंगन। मक्कर संक्राति ते होर दुए ध्यार होने करी यूजीसी एनईटी मतेयान गी अगड़ा पाया गेआ ऐ। अजेंसी नै अग्गे आखेआ ऐ जे 16 जनवरी गी होने आला मतेयान पैहले थमां तैह कार्यक्रम दे मूजब गै आयोजित कीता जाग।

<><><><><><>

Lohri Celebration

जम्मू शैहर च सोमवारें लोहड़ी दा ध्यार पूरी खुशी कन्नै मनाया गेआ। लोकें अपने घरें पवित्र लोहड़ी बालियै ओहदी परिक्रमा लैती। रयोअड़ी, मुंगफली ते गुड़ दी खुशबू ते किट्ठे रलियै एह ध्यार मनाने करी हवा च भाईचारे दी महक मसूस कीती गेई। सारे परमात्मा कोला खुशहाली ते नमीं शुरूआत आस्तै आर्शीवाद मंगेआ। उत्तर भारत च लोहड़ी दा ध्यार इेक मुख्क ध्यार ऐ जेहडझ गै स्याल दे मौसम दे अंत दा प्रतीक ऐ। इस ध्यार दे मौके बजारें च बी बड़ी रौनक दिक्खने गी लब्बदी ऐ। मुंगफली, मक्के दे दाने, रयोड़ी ते चिड़वे दी दुकानें च बड़ी मती भड़ दिक्खने गी लब्बी ऐ। इस दिन बच्चे लोहड़ी दे गीत गाइयै बड्डे कोला लोहड़ी बी मंगदे न।

<><><><><><>

JKRLM

स्मुदायिक सौहार्द, संस्कृति ते सशक्तिकरण दी मिसाल पेश करदे होई जम्मू कश्मीर ग्रामीण आजिविका मिशन नै महिला, आप सहायता समूहें कन्ने जम्मू खित्ते दे बक्ख-बक्ख जिलें च लोहड़ी दा ध्यार मनाया। सुचेतगढ़ दे विधायक प्रो. गारू राम भगत मिशन निदेशक श्री शुभ्रा शर्मा ते बीएसएफ डिप्टी कमांडेंट प्रदीप कुमार होरें मुख्ख आयोजन च हिस्सा लैता जेहड़ा गै डुग्गररानी-ए च आयोजित होआ। इस मौके एसएचजी महिलाएं सारें गी खास करियै पर्यटकें गी डोगरी पकवान परोसे। नमैश बी लाई गई जेहड़ी गै यंरुकृति दी झलक पेश करांदी ही।

<><><><><><>

National Aerobic

राष्ट्रीय एरोबिक जिम्नास्टिक चैंपियनशिप 2024-25 कल जम्मू दे मौलाना आजाद स्टेडियम दे नमें इंडोर स्टेडियम च सम्पन्न होई गई जेहदे च महाराष्ट्र नै खताब अपने नां कीता ते गुजरात ते जम्मू कश्मीर हवल तरतीब दुए ते त्रीये नंबरै पर रेह। चैंपियनशिप दा सरिस्ता जम्मू कश्मीर खेड्ड परिषद आस्सेआ जिमनास्टिक फेडरेशन ऑफ इंडिया ते जिमनास्टिक एसोसिएशन ऑफ जम्मू कश्मीर दे सैहयोग कन्नै कीता गेदा हा जेहदे च 20 बक्ख-बक्ख राज्यें केन्द्र शासत प्रदेशें दे खेड बोर्डें थमां कोई 500 एथलीटें ते अधिकारिएं हिस्सा लैता। इस आयोजन कन्नै जम्मू कश्मीर गी टकोहदी पंछान थोइ ऐ की जे एहदे दऊं एथलीटें रुद्राक्ष खन्ना ते रिया शर्मा दी चंदे शानदार ते बेमसाल प्रदर्शन दी बिनाह पर प्रतिष्ठित एफआईजी सुजुकी विश्व कप लेई ताल करी लैती गई ऐ।

<><><><><><>

DC Shopian

जिला आयुक्त शोपिया मोहम्मद शाहिद सलीम डार होरें कल मुगल रोड दा दौरा लाया ते इस शिड़क गी वरतियै खोलने आस्तै निरीक्षण कीता गेआ। डीसी होरें पीर की गली तगर गे तां जे एह पता लाया जाई सकै जे शिड़क गडिडएं दी आओजाई आस्तै सुरक्षत ऐ। मुगल रोड कश गी पीर पंजाल पहाड़े जरियै जम्मू कन्नै जोड़ने आली इक खास संपर्क शिड़क ऐ। केई थाहरें खरी धुंध ते तलैहट ही ते शिड़क गी फही खोलने कोला पैहले इनें सारी चुनौतिएं गी दूर करना लोड़चदा ऐ।

<><><><><><>